



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### მითაიშვილი ლილიანა ირაკლის ასული

მითაიშვილი ლილიანა ირაკლის ასული (დ. 17. IX. 1937, თბილისი), ბალეტის მოცეკვავე. პედაგოგი. საქართვე. სახ. არტისტი (1972). 1954 დაამთავრა თბილ. ქორეოგრ. სასწავლებელი (პედაგოგები: მ. გრიშკევიჩი, ვ. ჭაბუკიანი). 1954\_79 იყო თბილ. ოპერისა და ბალეტის თეატრის საბალეტო დასის წამყვანი სოლისტი, 1975-81 - ქორეოგრ. სასწავლებლის პედაგოგი, 1979-იდან - თბილ. ოპერისა და ბალეტის თეატრის საბალეტო დასის, 1983-84 კი - ულან-ბატორის თეატრის რეპეტიტორი. შესრულებული აქვს მრავალი წამყვანი პარტია: მანიჟე (ა. ბალანჩივაძე, "მთების გული"), ჯავარა (დ. თორაძე, "გორდა"), ლაურენსია (ა. კრეინი, "ლაურენსია"), ემილია, დემდემონა, (ა. მაჭავარიანი, "ოტელო"), ჯულიეტა, ოდეტა-ოდილია, მაშა, ავრორა (პ. ჩაიკოვსკი, "რომეო და ჯულიეტა", "გედების ტბა", "მაკნატუნა", "მძინარე მზეთუნახავი"), ჟიზელი (ა. ადანი, "ჟიზელი"), ჩელიტა (ლ. მინკუსი, "დონ კიხოტი") ლაურეანსია (ა. კრეინის "ლაურეანსია") და სხვ. ემილიას პარტია შეასრულა ა. მაჭავარიანის ფილმ-ბალეტი "ოტელოში" (რეჟ. და სცენარის ავტორი. ვ. ჭაბუკიანი, 1961). მ-ის შესრულებისთვის დამახასიათებელია ექსპრესიულობა, ტემპერამენტი, ტექნიკურად რთული პასაჟების სიმსუბუქე. მ-ის მონაწილეობით იყვნენ: ქ. მუხამავრია, ლ. ჩხიკვიშვილი, დ. და ლ. ხობაშვილები და სხვ. მ. არის ბალეტის მსახიობთა მოსკ. I კონკურსის ლაურეატი (ოქროს მედალი, 1957), მონაწილეობდა მოსკ. VI მსოფლიო ფესტივალში. მიღებული აქვს კამბოჯის სამეფოს მთავრობის საპატიო ორდენი (1965) და საქართვე. ღირსების ორდენი (1997).

ლიტ.: ბ ა რ ა მ ი ძ ე ბ., ვ. ჭაბუკიანის სახელობის თბილისის სახელმწიფო ქორეოგრაფიული სასწავლებელი, თბ., 2023; გ უ ნ ი ა ნ., ლილიანა მითაიშვილი, "თეატრალური მოამბე", 1976, #2; ნ ა დ ა რ ე ი შ ვ ი ლ ი ლ., ქართული ბალეტი, თბ., 2010.